



Sesida dals

Communitgà ils

Protocol nr.

16 da december 2025

17 da december 2025

903/2025

Incumbensa Oesch

concernent il mantegniment da las deducziuns fiscalas per sanaziuns energeticas

Resposta da la Regenza

Ils 20 da december 2024 ha l'Assamblea federala deliberà la Lescha federala davart la midada dal sistem d'imposiziun da taglia sin la proprietad d'abitar (Fegl uffizial federal 2025 23). Ella prevesa en spezial l'aboliziun da l'imposiziun da taglia sin la valor da l'atgna locaziun. Ils 28 da settember 2025 han las votantas ed ils votants stgaffì las premissas per midar il sistem.

Suenter l'entrada en vigur da la nova lescha federala n'èn differentas deducziuns betg pli pussaivlas tar la taglia federala directa. Quai vala en spezial per investiziuns che gidan a spargnar energia ed a proteger l'ambient. Ils chantuns pon permetter da deducir vinavant questas investiziuns, fin che la finamira d'ina bilantscha equilibrada da gas cun effect da serra è cuntanschida, maximalmain dentant fin l'onn 2050 (cf. art. 78h al. 2 da la Lescha federala davart l'armonisaziun da la taglia directa dals chantuns e da las vischnancas [LATD; CS 642.14], betg anc en vigur).

Il Cussegl federal n'ha betg anc fixà, cura che la lescha federala duai entrar en vigur. El ha sulettamain communitgà il 1. da schaner 2028 sco emprima data pussaivla. Sut quest aspect ha la Regenza decidì ils 8 da december 2025 d'examinar il mantegniment da las deducziuns numnadas. L'examinaziun detagliada duai vegnir fatga en il rom da l'elavuraziun da la revisiun parziala da la Lescha chantunala da taglia. Il medem vala per las deducziuns dals custs per lavurs da tgira da monuments e dals custs per spazzar in edifizis che duai vegnir remplazzà tras in edifizis nov.

Sa basond sin questas explicaziuns propona la Regenza al Cussegl grond da midar questa incumbensa sco suonda:

La Regenza vegn incumbensada d'examinar – en il rom da l'elavuraziun da la revisiun parziala da la Lescha chantunala da taglia – sche investiziuns en mesiras per spargnar energia e per proteger l'ambient tar immobiglias da la facultad privata duain vinavant pudair vegnir deducidas da la taglia (fin che la finamira d'ina bilantscha equilibrada da gas cun effect da serra è cuntanschida, maximalmain dentant fin l'onn 2050).



En num da la Regenza

Il president:

A handwritten signature in black ink, appearing to read 'M. Caduff'.

Marcus Caduff

Il chancelier:

A handwritten signature in black ink, appearing to read 'D. Spadin'.

Daniel Spadin